

անձինք ևս, օգտուելով Զատկական տօներին, այցելեցին Մայր Աթոռս:

Ուրախալի է այն կենդանի հետաքրքրութիւնը, որ այցելուները, հայ և օտարազգի, ցոյց են տալիս դէպի Մայր Աթոռ և նրա զանազան հաստատութիւնները:

ՀԱՅ ԵԿԵՂԵՑԻՆ ՏԱՃԿԱՍՏԱՆՈՒՄ

Բողոքարիայի Թագաւորը Կ. Պօլսում Պատրիարքի հրաժարականի խնդրի Միջնադէպ միախնդի պատճառով, Քաղաքական ժողովի որոշումներ, Երիտասարդ կաթոլիկոսացունների խնդրի, Երուսաղէմայ գործեր:

Բողոքարական Թագաւորի Կ. Պօլսում եղած ժամանակ մեր սրբ. պատրիարքը կամեցաւ ներկայանալ Նորին Մեծութեան և շնորհակալութեան ուղերձ մատուցանել այն մարդասիրութեան համար, որ Նորին Մեծութեան կառավարութիւնը ցոյց էր տուել Արդիւ Համիդի հալածանքի օրերին Բողոքարիա ապաստանող հայերին: Այս տեսակցութիւնը չէ յաջողուել, որովհետեւ ժամադրութիւն խնդրելու դիմումն, որպէս թէ ուշացած է եղել: Բայց Կ. պօլսոյ լրագիրները պատճառը համարում են այն, որ բողոքարիայի Թագաւորը չըկամենալով յունաց պատրիարքի հետ տեսակցել, հրաժարուել է միւս ազգերի կրօնապետների հետ տեսակցութիւնից էլ:

Մեր սրբ. պատրիարքը անձամբ մատուցանելիք ուղերձը ուղարկել է բողոքար գեոպանի միջոցով և նոյն միջոցով էլ ստացել է Թագաւորի շնորհակալութիւնը:

Կ. Պօլսոյ լրագիրները հաղորդում են, որ մեր սրբազան պատրիարքը տկար է, և դարձեալ հրաժարականի խնդիրը նետուած է հրապարակ:

Բիւզանդիոնը ասում է, եթէ պատրիարքը հրաժարուի

և ազգային վարչութիւնը մնայ, դարձեալ կսկսի այն անկերպարան վիճակը, ինչ որ էր առաջ, երբ պատրիարքը մեկուսացած էր։ Եթէ վարչութիւնն էլ հրաժարուի՝ երկիւղ կայ, որ մի այլ հրաշագործ Մկրտիչ եպիսկոպոս պատրիարքական աթոռը բազմի։ Ուստի և աւելի լաւ է, որ սրբազան պատրիարքը իւր տեղում մնայ և հրաժարականի առիթները, որ այս անգամ ներքին են, մի կերպ հարթուեն։

Բիւզանդիոնում կարգում ենք, որ Ազգային ժողովի վերջին նիստի միջնադէպի և մարտի 21-ին կիւրակէ օրը Իւսկիւտարի Ս. Կարապետ եկեղեցում եղած միտինգի պաճառով իրանց հրաժարականն են ներկայացրել պատրիարքին դոքտոր Աճեմեանը Ազգային ժողովի ատենապետութիւնից և անդամակցութիւնից և Ազարեան էֆէնդին՝ քաղաքային ժողովի ատենապետութիւնից, Իւսկիւտարի Ս. Կարապետ եկեղեցու թաղական խորհուրդը դիմել է Սրբազան պատրիարքին և նկարագրելով միտինգի՝ ապօրինաբար եղանակով եկեղեցում գումարելու եղանակը և յուզումնալից շարունակութիւնը, որ խաղաղուել է միայն կառավարութեան միջամտութեամբ, խնդրել է վերջ տալ այս անպատեհութիւններին, յայտարարելով նման դէպքերում իւր անպատասխանատւութիւնը։

Մարտի 24-ին քաղաքական ժողովը որոշել է՝

Ա. Մարտի 26-ին ազգային ժողովի նիստը դռնփակ կազմել։

Բ. Աղանայի հրկիզեալների ապահովութեան դատը շահուած լինելով փաստաբանների յանձնաժողովի ջանքով, շնորհակալութիւն յայտնել այդ յանձնաժողովին։

Գ. Մերժել իւր ատենապետ Ազարեան էֆէնդիի հրաժարականը և Թօփալեան ու Տաղաւարեան էֆէնդիների միջոցով խնդրել, որ շարունակի իւր պաշտօնը։

Դ. Առաջիկայ նիստին լսել կենդրոնական վարժարանի նախորդ տեսուչ Հինտլեանի լուսաբանութիւնը,

Ե. Դիմումն անել կառավարութեան խնդրելով, որ երուսաղէմի վանքի սեպհական և Եդգի—Գուլէի դուրսը

եղած ազգային հողերը մահլիւլ (անտէր) չընկատուեն և այնտեղ բանտեր չըշինուեն:

Լրագրերից տեղեկանում ենք, որ երիտասարդ վարդապետների եպիսկոպոսացման և առաջնորդ կարգուելութանդիրը բաւական դէմ խորհրդածութեան նիւթ է դարձել Կ. Պօլսում և գաւառներում:

Երուսաղէմայ գործեր, — Երուսաղէմի Տեղապահը հեռագրել է պատրիարքարան, որ մինչև մարտի 22-ը ուխտաւորների թիւը հասած է եղել 1220-ի, յոյս կայ, որ մինչև Ձատիկ 1500-ի հասնի, մինչ ուրիշ տարիներ 900-ից աւելի չէ եղել: Տ. Գրիգորիս արքեպիսկոպոսն էլ հասել է Երուսաղէմ: Երուսաղէմի կուսակալ է նշանակուել Ազմի Պէյը, որին այցելել է Երուսաղէմի փոխանորդ Տ. Սմբատ վարդապետը շնորհաւորելու տեղապահի և միաբանութեան կողմից: Կուսակալը ցանկութիւն է յայտնել, Պօլսից մեկնելուց առաջ նորից տեսնել փոխանորդին:

Կեսարիայի առաջնորդ Տրդատ եպիսկոպոսը, որ Կ. Պօլիս էր կոչուած, վարչութեան առաջարկին համակերպելով, պէտք է գնայ Երուսաղէմ գործակցելու տեղապահին վանքի բարեկարգութեան և տնտեսութեան կանոնաւորման համար: Տրդատ սրբազանը մարտի վերջերին Ձմիւռնիա գնալով իւր զառամեալ մօրը տեսնելուց յետոյ անմիջապէս պէտք է մեկնի Երուսաղէմ:

ՀՆԴԿԱՍՏԱՆԻ ՀԱՅԵՐ

Արմենիայի մէջ կարդում ենք, որ Գալկաթայի Հայոց ճեմարանի աշակերտների նախկին միութիւնը յունվարի 3-ին տուել է իւր տարեկան ճաշկերոյթը, որին նախագահել է Ժ. Գ. Գալստեան. ներկայ են եղել 70-ի չափ անձեր:

Ճառախօսներից մէկը ասել է.

Մեր ծրագրերն է կրթել մեր հայ երիտասարդները ազգութեան ընազգով, անոնց սորվեցունելով իրենց հայրերէլեզուն, կրօնքը, պատմութիւնն ու աւանդութիւնները,